

Caso hopi interesante a socede na Aruba!

HOMBER A HINCA SAQUITO DEN BOCA Y DESPUES A FAYECE

ORANJESTAD (AAN): Un caso nobo, unda seguramente famia y autoridad lo investiga profundamente, ta di un caso di un homber cu lo a fayece na un forma masha straño. Circunstancianan rond di morto di e homber aki ta poco misterioso.

Segun informe, parece cu un unidad di Polis lo a bay atende un asistencia. Parece cu e informe Policial lo ta indica cu lo tabatin un homber fastioso, y pesey a solicita asistencia di autoridad.

E persona en cuestion lo a resisti y agentenan a logra di transporte pa Warda di Polis. Ora cu na Warda di Polis nan a bay lista e homber aki, algo a socede. Na un forma relampago, e homber a saca of ranca un saquito di plastico cu su man for di saco di carson, y a hinke cu tur velocidad den su boca, propesaki, y a manda abao.

No ta conoci, si e saquito aki tabata contene substancia, of otro cos.

Algo ta sigur: Polis a trans-

porta e homber pa Policlinica. Kico esnan na Policlinica a haci (sea a pomp pa saca e saco cu contenido), no ta conoci. Loke a socede ta cu e homber a fayece.

Te cu ayera no por a haya mucho detaye di e caso, como cu segun informe e ta bao di investigacion profundo. No ta conoci si aki un biaha mas ta

trata di un caso di overdosis.

Manera ta conoci cu recientemente por lo menos dos caso serio di overdosis a tuma lugar. Si acaso nan a haya sa di unda of kende por a suministra e droga mortal aki, lo por pone man riba e suministrador. Di otro banda, lo no keda ningun otro alternativa sino pa tene un razzia formal riba

e lugarnan na unda lo tin sospecho cu droga ta worde bendi of suministra.

Pa polis por haci esaki mas rapido posible, ta Fiscal combina cu Huez Comisario lo mester bin hunto pa prepara un operativo masal. A worde remarca na DIARIO, dia cu a joyride vehiculo di un miembro di Ministerio Publico, e

ora si a "coba" den buki di ley, a logra y a usa como conclusion, cu ta ladronicia a worde cometi. Desde e tempo ey e palabra "joyride" a worde cambia pa "diefstal".

Si por coba den buki e tempo ey, pakico no por coba den buki di ley un biaha mas pa haya un solucion pa stop e circulacion di droga aki?

MEP a rechasa reunion cu AVP

ORANJESTAD(AAN) Ayera partido AVP pa medio di informado Henny Eman, a manda un invitacion pa partido MEP pa tene un reunion relaciona cu formacion di gobierno.

Recentemente partido MEP a tene diferente reunion cu diferente gremio pa asina duna splicacion encuanto deliberacionnan cu informado pa cu formacion di un gobierno.

MEP su punto di bista ta

keda cu nan kier un zakenkabinet y esaki ta loke nan a expresa tambe na gremionan cu a sinta cu MEP riba 20 di februari ultimo.

Si gremionan a bay manda carta pa informado bisando cu MEP kier sinta na mesa pa asina discuti un posibel colacion cu AVP esaki no ta cay bao responsabilidad di MEP, segun DIARIO a haya di entendende ayera.

MEP su aclareacion ayera

tabata cu gremionan a manda un carta pa informado cu informacionnan aden cu no ta completamente corecto pasobra MEP a bisa nan bon cla cu ta un zakenkabinet MEP kier discuti cu AVP y no manera cu Henny a kere ayera cu AVP y MEP lo bay sinta papia di formacion di gobierno.

For di partido MEP DIARIO a haya copia di e carta cu hefe di delegacion pa MEP señor Refunjol a manda pa infor-

mado Henny Eman.

Den e carta MEP ta laga sa cu mirando cu no tin contesta afirmativo ainda di parti di AVP riba un zakenkabinet, nan no ta haya cu ta oportuno ni deseabel pa habri cualkier discusion cu informado unda AVP ta presente.

Un biaha mas otro reunion a ser cancela y keto bay pais Aruba ta keda den un situacion cu no tin gobierno pa goberna e pais.

AWE PARLAMENTO TA TRATA DEN UN BIAHA MAS LEY DI EXTRADICION

ORANJESTAD(AAN)

Awe parlamento di Aruba lo bolbe trata e ley di extradicion cu a trece tanto controversia na Aruba.

Tin Arubianonan poni riba lista pa ser extradita pa Merca y nan no ta haya e trato igual cu Hulandesnan Europeo biba na Hulanda si ta haya den e ley di extradicion cu Hulanda a pusha riba Aruba.

Cos lo por bay bira cayente den debatenan cu lo presenta den sala di Parlamento awe.



Telefonnan di DIARIO

826747

Fax:

828551